

全上古三代秦漢三國六朝文

全漢文目錄

高帝

惠帝

文帝

景帝

武帝

卷三至卷四

昭帝

宣帝

已上卷五至卷六

元帝

卷七

成帝

卷八

哀帝

卷九

高呂后

程姬

昭上官后

公孫婕妤

元王后

傅昭儀

成許后

班婕妤

成趙后

趙昭儀

已上卷十至卷十一

吳王濞

齊王襄

淮南王安

趙王彭祖

膠西王端

中山王勝

劉長

燕王旦

昌邑王賀

淮陽王欽

楚王延壽

梁王立 已上卷十二

義帝

項王

劉舍

陳餘

宋義

宋昌

孔鮒

孔臧

孔安國

孔衍

孔光 已上卷十三

韓信

蕭何

張良

陳平

周勃

酈食其

婁敬

張蒼

韓王信

韓積當

季布

陳武

一作柴武

申屠嘉

陶青

蒯昭

張武

賈山

已上卷十四

賈誼

賈捐之

公孫臣

新垣平

已上卷十五至卷十六

淳于意

卷十七

鼂錯

廷尉信

已上卷十八

嚴青翟

嚴忌

嚴助

韓安國

羊勝

公孫詭

公孫乘

鄒陽

已上卷十九

枚乘

淮南小山

路喬如

鄒長倩

已上卷二十

司馬相如

翟公

張湯

繪它

楊貴

已上卷二十一至卷二十二

董仲舒

田蚡

鄭當時

王恢

公孫弘

石慶

已上卷二十三至卷二十四

東方朔

卷二十五

唐蒙

張騫

許哀

司馬談

司馬遷

犖峻

徐樂

已上卷二十六

嚴安

終軍

吾丘壽王

主父偃

路博德

霍去病

霍光

莊芷

一作嚴

謬忌

莊熊渠

已上卷二十七

卜式

兒寬

齊人延年

蘇武

常惠

李陵

李廣利

胡建

桑弘羊

孔僅

番係

田仁

已上卷二十八

趙充國

丙吉

魏相

蔡義

令狐茂

車千秋

黃霸

士伍尊

已上卷二十九

張倣

張竦

田延年

已上卷三十

杜延年

杜欽

杜業 已上卷三十一

楊倣

楊惲

眭弘

路溫舒

大鴻臚禹

張壽王

丞相屬竇

王吉

王駿

于定國

冀州刺史林

龔遂

嚴延年 已上卷三十二

蕭望之

蕭育

金安上

揚州刺史柯

豫章太守廖

鄭吉

辛武賢

辛慶忌

韋玄成

侍郎章

戴長樂

王生

蓋寬饒

鄭昌

薛廣德

孫延壽

孫會宗

歐陽地餘

徐福已上卷三十三

貢禹

匡衡已上卷三十四

劉向

卷三十五至卷三十九

劉歆

卷四十至卷四十一

王褒

嚴遵

已上卷四十二

王尊

耿壽昌

王商

史丹

王章

王禁

王鳳

王立

王仁

王閔

王音

許嘉

甘延壽

陳湯

張博已上卷四十三

翼奉

京房已上卷四十四

楊興

韓宣

谷吉

谷永

韓昌 張猛

董宏

尹忠

尹更始

張忠已上卷四十五至卷四十六

何武

華陰守丞嘉

朱雲

侯應

薛宣

諸葛豐

朱博已上卷四十七

王嘉

師丹

孫寶

陳咸

字子康

鄭朋

胡常

平當

已上卷四十八

翟方進

翟義

范延壽

公乘興

張匡

馮遂

孫禁

許商

趙增壽

涓勳

劉輔

杜鄴

已上卷四十九

母將隆

馬宮

鮑宣

梅福

郭舜

尹賞

申咸

龔勝

已上卷五十

揚雄 卷五十一至卷五十四

李尋

梁太傅輔

彭宣

鄭崇

譙玄

何並

閻崇

方賞

陳咸

先有陳咸字子康在卷四十八此陳咸同姓名

鄭子真 已上卷五十五

解光

郭欽

御史中丞眾

息夫躬

冷褒 段猶

夏賀良

賈讓

耿育

楊宣

議郎龔

永信 少府猛

班嗣

伶玄 已上卷五十六

宦官

弘恭

列女

信于緹縈

大乳母

卓文君

烏孫公主解憂

馮嫫

敬武長公主

闕名

誓 上書 奏 議 對問 舉狀 書 銘 祝文 葬銘

上卷五十七

僞新

王莽

王舜

王邑

王諫

王臨

王宗 已上卷五十八至卷六十

劉立

劉佟

劉慶

劉京

公孫祿

孫建

滿昌

唐林

甄邯

陳崇

大司馬護軍綏

平憲

謝囂

劉咸

張永

崔篆

嚴尤

哀章

但欽

陳欽

區博已上卷六十一

關竝

張戎

韓牧

王橫

魯匡

馮英

韓博

田況

費興

甄阜

王況

新莽臣闕名

奏議祝符命已上卷六十二

外國

南越王趙佗

趙胡

呂嘉

東越王餘善

匈奴冒頓單于

軍臣單于

狐鹿姑單于

呼韓邪單于

郅支單于

烏珠留單于

鄯善王尉屠耆

烏孫王昆彌

龜茲王絳賓

僊道

脩羊公

鬼神

天皇大神

西王母

孝武帝

段孝直

已上卷六十三

大凡全漢文三百三十四人

大凡全漢文六十三卷

全漢文卷一

烏程嚴可均校輯

高帝

帝姓劉氏諱邦字季沛豐邑中陽里人初爲泗上亭長秦二世元年起兵稱沛公明年楚懷王曰爲碭郡長封武安侯曰子嬰元年西入關項羽立爲漢王都南鄭曰漢五年破項羽卽皇帝位都長安在位十二年諡曰高皇帝廟號太祖亦曰高祖有傳十三篇漢志在儒家本注曰高祖與大臣述古語及詔策也

重祠詔

二年

吾甚重祠而敬祭今上帝之祭及山川諸神當祠者各曰其時禮祠之如故

漢書郊祀志上

立吳芮爲長沙王詔

五年二月

故衡山王吳芮與子二人兄子一人從百粵之兵曰佐諸侯誅暴

秦有大功諸侯立曰爲王項羽侵奪之地謂之番君其曰長沙豫

章象郡桂林南海立番君芮爲長沙王

漢書高紀下

制詔御史長沙王忠其定著令

漢書吳芮傳

以亡諸爲閩粵王詔

五年二月

故粵王亡諸世奉粵祀秦侵奪其地使其社稷不得血食諸侯伐

秦亡諸身帥閩中兵曰佐滅秦項羽廢而弗立今曰爲閩粵王王

閩中地勿使失職

漢書高紀下

罷兵賜復詔

五年五月

諸侯子在關中者復之十二歲其歸者半之民前或相聚保山澤不書名數天下已定令各歸其縣復故爵田宅吏曰文法教訓辨告勿笞辱民以飢餓自賣爲人奴婢者皆免爲庶人軍吏卒會赦其亡罪而亡爵及不滿大夫者皆賜爵爲大夫故大夫曰上賜爵各一級其七大夫曰上皆令食邑非七大夫曰下皆復其身及戶

勿事

漢書高紀下

七大夫公乘已上皆高爵也。諸侯子及從軍歸者甚多高爵。吾數詔吏先與田宅及所當求於吏者，亟與爵。或人君上所尊禮，久立吏前，曾不爲決，甚亡謂也。異日秦民爵公大夫已上，令丞與亢禮。今吾於爵非輕也，吏獨安取此？且法已有功勞行田宅，今小吏未嘗從軍者，多滿而有功者，顧不得背公立私，守尉長吏教訓甚不善，其令諸吏善遇高爵，稱吾意，且廉問有不如吾詔者，已重論之。

同上

詔衛尉鄼商

五年五月

齊王田橫卽至，人馬從者敢搖動者，致族夷。

史記田儼傳漢書田儼傳

赦詔

六年十二月

天下旣安，豪傑有功者封侯，新立未能盡圖其功，身居軍九年，或未習法令，或曰其故犯法，大者死刑，吾甚憐之，其赦天下。

漢書高紀下

擇立齊王荆王詔

六年十二月

齊古之建國也。今爲郡縣。其復曰爲諸侯將軍。劉賈數有大功。及

擇寬惠修絜者。王齊荆地。

漢書高紀下。又見荆王劉賈傳。

上太公尊號詔

六年五月

人之至親。莫親於父子。故父有天下。傳歸於子。子有天下。尊歸於父。此人道之極也。前日天下大亂。兵革竝起。萬民苦殃。朕親被堅執銳。自帥士卒。犯危難。平暴亂。立諸侯。偃兵息民。天下大安。此皆太公之教訓也。諸王通侯將軍羣卿大夫。已尊朕爲皇帝。而太公未有號。今上尊太公曰太上皇。

漢書高紀下。

疑獄詔

七年

制詔御史獄之疑者。吏或不敢決。有罪者久而不論。無罪者久繫不決。自今曰來。縣道官獄疑者。各讞所屬二千石。官二千石官。以其罪名當報之。所不能決者。皆移廷尉。廷尉亦當報之。廷尉所不

能決謹具爲奏傅所當比律令曰聞

漢書刑
法志

立靈星祠詔八年

制詔御史其令郡國縣立靈星祠常以歲時祠已牛

史記封禪書
漢書郊祀志

上

捕趙王張敖詔八年

趙有敢隨王者擧三族

史記田
叔傳

擇立代王詔十一年正月

代地居常山之北與夷狄邊趙乃從山南有之遠數有胡寇難已

爲國頗取山南太原之地益屬代代之雲中已西爲雲中郡則代

受邊寇益少矣王相國通侯吏二千石擇可立爲代王者

漢書高
祖下

定口賦詔十一年二月

欲省賦甚今獻未有程吏或多賦已爲獻而諸侯王尤多民疾之

令諸侯王通侯常以十月朝獻及郡各以口數率人歲六十三

錢曰給獻費

漢書高紀下

求賢詔

十一年二月

蓋聞王者莫高于周文，伯者莫高于齊桓，皆待賢人而成名。今天下賢者智能豈特古之人乎？患在人主不交故也。士奚由進？今吾曰天之靈，賢士大夫定有天下，吾爲一家，欲其長久，世世奉宗廟，亡絕也。賢人已與我共平之矣，而不與吾共安利之，可乎？賢士大夫有肯從我游者，吾能尊顯之，布告天下，使明知朕意。御史大夫昌下相國，相國、御史大夫下諸侯王、御史中執法、下郡守，其有意稱明德者，必身勸，爲之駕，遣詣相國府，署行義年，有而弗言，覺免。年老癯病，勿遣。

漢書高紀下

擇立梁王淮陽王詔

十一年三月

擇可曰爲梁王淮陽王者

漢書高紀下

立趙它爲南粵王詔

十一年五月

粵人之俗，好相攻擊。前時秦徙中縣之民南方三郡，使與百粵雜處，會天下誅秦，南海尉它居南方，長治之，甚有文理。中縣人曰：故不耗滅，粵人相攻擊之俗益止，俱賴其力。今立它爲南粵王。漢書高紀

擇立吳王詔

十二年十月

吳古之建國也，日者荆王兼有其地，今死亡後，朕欲復立吳王，其

議可者。

漢書高紀下

置秦皇楚王陳勝等守冢詔

十二年十二月

秦皇帝楚隱王魏安釐王齊愍王趙悼襄王皆絕亡後，其與秦始皇

皇帝守冢二十家，楚魏齊各十家，趙及魏公子亡忌各五家，令視

其冢，復亡與它事。

漢書高紀下

議立燕王詔

十二年二月

燕王縮與吾有故，愛之如子，聞與陳稀有謀，吾曰：爲亡有，故使人

迎綰縮稱疾不來謀反明矣燕吏民非有罪也賜其吏六百石曰
上爵各一級與綰居去來歸者赦之加爵亦一級詔諸侯王議可

立爲燕王者

漢書高紀下

立南武侯織爲南海王詔

十二年二月

南武侯織亦粵之世也立曰爲南海王

漢書高紀下

布告天下詔

十二年三月

吾立爲天子帝有天下十二年于今矣與天下之豪士賢大夫共
定天下同安輯之其有功者上致之王次爲列侯下乃食邑而重
臣之親或爲列侯皆令自置吏得賦斂女子公主爲列侯食邑者
皆佩之印賜大第室吏二千石徙之長安受小第室入蜀漢定三
秦者皆世世復吾于天下賢士功臣可謂亡負矣其有不義背天
子擅起兵者與天下共伐誅之布告天下使明知朕意

漢書高紀下

手敕太子

吾遭亂世當秦禁學自喜謂讀書無益洎踐祚已來時方省書乃

使人知作者之意追思昔所行多不是

古文苑

堯舜不以天子與子而與他人此非爲不惜天下但子不中立耳
人有好牛馬尚惜况天下耶吾以爾是元子早有立意羣臣咸稱
汝友四皓吾所不能致而爲汝來爲可任大事也今定汝爲嗣
吾生不學書但讀書問字而遂知耳以此故不大工然亦足自辭
解今視汝書猶不如吾汝可勤學習每上疏宜自書勿使人也
汝見蕭曹張陳諸公侯吾同時人倍年于汝者皆拜并語于汝諸
弟

同上

吾得疾遂困以如意母子相累其餘諸兒皆自足立哀此兒猶小

也

同上

賜韓王信書 六年九月

專死不勇專生不任寇攻馬邑君王力不足已堅守乎安危存亡

之地此二者朕所曰責於君王

漢書韓王信傳上賜信書責讓之

書帛射城上與沛父老

秦二世元年九月

天下同苦秦久矣今父老雖爲沛令守諸侯竝起今屠沛沛今共誅令擇可立立之曰應諸侯卽室家完不然父子俱屠無爲也

高紀上

入關告諭

漢元年十一月

父老苦秦苛法久矣誹謗者族耦語者棄市吾與諸侯約先入關者王之吾當王關中與父老約法三章耳殺人者死傷人及盜抵罪餘悉除去秦法吏民皆安堵如故凡吾所曰來爲父兄除害非有所侵暴毋恐且吾所曰軍霸上待諸侯至而定要東耳

漢書高紀上

發使告諸侯

二年三月

天下共立義帝北面事之今項羽放殺義帝江南大逆無道寡人親爲發喪兵皆編素悉發關中兵收三河士南浮江漢曰下願從

諸侯王擊楚之殺義帝者

漢書高紀上

數項羽十罪

四年十月

吾始與羽俱受命懷王曰先定關中者王之羽負約王我于蜀漢罪一也羽矯殺卿子冠軍自尊罪二也羽當曰救趙還報而擅劫諸侯兵入關罪三也懷王約入秦無暴掠羽燒秦宮室掘始皇帝冢收私其財罪四也又彊殺秦降王子嬰罪五也詐阬秦子弟新安二十萬王其將罪六也皆王諸將善地而徙逐故主令臣下爭叛逆罪七也出逐義帝彭城自都之奪韓王地并王梁楚多自與罪八也使人陰殺義帝江南罪九也夫爲人臣而殺其已降爲政不平主約不信天下所不容大逆無道罪十也吾曰義兵從諸侯誅殘賊使刑餘罪人擊公何苦乃與公挑戰

漢書高紀上

下令恤軍士死者

四年七月

軍士不幸死者吏爲衣衾棺斂轉送其家

漢書高紀上

下令立韓信爲楚王彭越爲梁王

五年正月

楚地已定義帝亡後欲存卹楚眾已定其主齊王信習楚風俗更立爲楚王王淮北都下邳魏相國建成侯彭越勤勞魏民卑下士卒常曰少擊眾數破楚軍其曰魏故地王之號曰梁王都定陶

漢書

高紀

下令赦天下

五年正月

兵不得休八年萬民與苦甚今天下事畢其赦天下殊死已下

漢書

高紀

復吏卒限制衣冠令

八年三月

吏卒從軍至平城及守城邑者皆復終身勿事爵非公乘已上毋得冠劉氏冠賈人毋得衣錦繡綺縠紵罽操兵乘騎馬

漢書高紀下

夷三族令

當三族者皆先黥劓斬左右止笞殺之梟其首洎其骨肉于市其

誹謗詈詛者，又先斷舌。

漢書刑法志：漢興約法三章，然其大辟尚有三族之令，故謂之具五刑。步越韓信

之屬皆受此誅。

答諸侯王韓信等上尊號

五年二月

寡人聞帝者賢者有也，虛言無實之名，非所取也。今諸侯王皆推

高寡人，將何以處之哉？

漢書高紀下

諸侯王幸以爲便于天下之民，則可矣。

同上

封爵誓

六年十二月

使黃河如帶，泰山如礪，國祚永存，爰及苗裔。

漢書高惠高后文功臣表：又三國志：周喻

傳引作如礪，餘皆同。

丹書鐵券

使黃河如帶，泰山如礪，漢有宗廟，爾無絕世。

太平御覽五百九十八：又六百三十三：周

學紀開十二引陸賈楚漢春秋：高帝初封侯者，皆賜丹書鐵券，曰：

又與羣臣刑白馬而盟。

非劉氏不王若有亡功非上所置而侯者天下共誅之
漢書王陵傳高皇帝刑白馬而盟云云又見史記呂后紀無者字又見漢書外

書外

非劉氏不得王非有功不得侯不如約天下共擊之
漢書周勃傳案書抄八

十一引漢書云黃河如帶泰山如繩其固永存爰及苗裔申以丹書之信項以白馬之盟

所述書天子所服第八
案此即藝文志儒家所載高祖傳十三篇之一也

大謁者臣章受詔長樂宮曰令羣臣議天子所服曰安治天下相國臣何御史大夫臣昌謹與將軍臣陵太子太傅臣通等議春夏秋冬天子所服當法天地之數中得人和故自天子王侯有土之君下及兆民能法天地順四時已治國家身亡禍殃年壽永究是奉宗廟安天下之大禮也臣請法之中謁者趙堯舉春李舜舉夏兒湯舉秋貢禹舉冬
蘇古曰高帝時自有一貢禹也四人各職一時大謁者囊章奏制曰可漢書魏相傳相表奏引高皇帝所述書天子所服第八

惠帝

帝諱盈高帝子漢二年立爲太子十二年五月卽位在位五年

諡曰孝惠皇帝

重吏祿詔高帝十二年

吏所曰治民也能盡其治則民賴之故重其祿所曰爲民也令吏六百石曰上父母妻子與同居及故吏嘗佩將軍都尉印將兵及佩二千石官印者家唯給軍賦他無有所與漢書惠紀

文帝一

帝諱恆高帝中子漢十一年封代王呂后八年迎立_{在位二十}

三年諡曰孝文皇帝廟號太宗

徙淮南王長制六年

朕不忍致法于王其與列侯吏二千石議史記淮南王傳漢書淮南王傳

朕不忍致法于王其赦長死罪廢勿王同上

計食長給肉日五斤酒二斗令故美人才人得幸者十八從居他

可同上
增神祠制十三年

朕卽位十三年于今賴宗廟之靈社稷之福方內艾安民人靡疾
聞者比歲登朕之不德何已饗此皆上帝諸神之賜也蓋聞古者
饗其德必報其功欲有增諸神祠有司議增雍五時路車各一乘
駕被具西時哇時禺車各一乘禺馬四匹駕被具其河湫漢水加
王各二及諸祠各增廣壇場珪幣俎豆以差加之而祝釐者歸福
於朕百姓不與焉自今祝致敬毋有所祈史記封禪書又漢書文紀有詔與此小同

卽位赦詔呂后八年

制詔丞相太尉御史大夫閒者諸呂用事擅權謀爲大逆欲危劉
氏宗廟賴將軍列侯宗室大臣誅之皆伏其辜朕初卽位其赦天
下賜民爵一級女子百戶牛酒酺五日漢書文紀

封賜周勃等詔 元年十月

呂產自置爲相國，呂祿爲上將軍，擅矯遺灌將軍嬰，將兵擊齊，欲代劉氏。嬰留滎陽弗擊，與諸侯合謀，曰：「誅呂氏，呂產欲爲不善，丞相陳平與太尉周勃謀奪呂產等軍，朱虛侯劉章首先捕呂產等，太尉身率襄平侯通持節承詔入北軍，典客劉揭身奪趙王呂祿印，益封太尉勃萬戶，賜金五千斤，丞相陳平、灌將軍嬰、邑各二千戶，金二千斤，朱虛侯劉章、襄平侯通、東牟侯劉興居、邑各二千戶，金千斤，封典客揭爲陽信侯，賜金千斤。」史記文紀又見漢書文紀首有廟字。

答有司請建太子詔

元年正月

朕既不德，上帝神明，未歆饗也。天下人民，未有惡史記志今縱不能博求天下賢聖有德之人，而嬪天下焉，而曰豫建太子，是重吾不德也，謂天下何其安之。

漢書文紀

楚王季父也，春秋高，閱天下之義理多矣，明於國家之大體。吳王

於朕兄也。惠仁曰：好德淮南王弟也。秉德曰：陪朕豈爲不豫哉？諸侯王宗室昆弟有功臣多賢及有德義者，若舉有德，曰陪朕之不能終，是社稷之靈，天下之福也。今不選舉焉，而曰必子人，其曰朕爲忘賢有德者而專于子，非所曰憂天下也。朕甚不取也。史記文紀漢書

無惠仁句，乘上有皆字。

振貸詔

元年三月

方春和時，草木羣生之物，皆有曰自樂，而吾百姓鰥寡孤獨窮困之人，或阡于死亡，而莫之省憂，爲民父母，將何如其議所曰振貸

之。漢書文紀

養老詔

元年三月

老者非帛不暖，非肉不飽。今歲首不時，使人存問長老，又無布帛酒肉之賜，將何曰佐天下子孫孝養其親。今問吏稟當受鬻者，或

曰陳粟，豈稱養老之意哉！具爲令。漢書文紀

脩代來功詔 九年六月

方大臣誅諸呂迎朕朕狐疑皆止朕唯中尉宋昌勸朕朕已得保宗廟已尊昌爲衛將軍其封昌爲壯武侯諸從朕六人官皆至九

卿 漢書文紀

益封高帝從臣詔

列侯從高帝入蜀漢者六十八人益戶各三百戶吏二千石已上從高帝潁川守尊等十人食邑六百戶淮陽守申屠嘉等十人五百戶衛尉足 史記作定等十人四百戶封淮南王舅趙兼爲周陽侯齊王舅駟鈞爲靖郭侯 漢書文紀

令列侯之國詔 二年十月

朕聞古者諸侯建國千餘各守其地已時入貢民不勞苦上下驩欣靡有違德今列侯多居長安邑遠吏卒給輸費苦而列侯亦無繇教訓其民其令列侯之國爲吏及詔所止者遣太子 漢書文紀

日食求言詔

二年十一月

朕聞之天生民爲之置君。君養治之人主不德布政不均則天示之災。君戒不治乃十一月晦日有食之適見于天災孰大焉。朕獲保宗廟。君微眇之身託于士民君王之上天下治亂在于一人。唯二三執政猶吾股肱也。朕下不能治育羣生上君累三光之明其不德大矣。令至其悉朕之過失及知見之所不及。句。君啟告朕及舉賢良方正能直言極諫者。君匡朕之不逮。因各敕君職任務省絲費。君便民。朕既不能遠德。故憫然念外人之有非。是君設備未息。今縱不能罷邊屯戍。又飭兵厚衛。其罷衛將軍軍。太僕見馬遺財足。餘皆君給傳。詔。

開藉田詔

二年正月

漢書文紀

夫農天下之本也。其開藉田。朕親率耕。君給宗廟粢盛。民謫作縣官及貧種食未入入未備者。皆赦之。

漢書文紀

王辟彊等詔二年三月

前趙幽王幽死，朕甚憐之，已立其太子遂爲趙王，遂弟辟彊及齊

悼惠王子朱虛侯章、東平侯興居有功，可王。漢書文紀

除誹謗詬言法詔二年五月

古之治天下，朝有進善之旌，誹謗之木，所曰通治道而來諫者也。

今法有誹謗詬言之罪，是使眾臣不敢盡情，而上無由聞過失也。

將何已來遠方之賢良，其除之，民或祝詛，上曰相約，而後相設，吏

曰爲大逆，其有他言，吏又曰爲誹謗，此細民之愚，無知抵死，朕甚

不取，自今已來，有犯此者，勿聽治。漢書文紀

議除連坐詔二年

詔丞相太尉御史法者治之正，所曰禁暴而衛善人也，今犯法者

已論，而使無罪之父母妻子同產坐之及收，朕甚弗取，其議。漢書刑法

志紀作元年少首句

朕聞之法正則民慤罪當則民從且夫牧民而道之已善者吏也

既不能道又已不正之法罪之是法反害于民爲暴者也朕未見

其便宜執計之同上周勃陳平奏曰爲如其故便文帝復曰

勸農詔

二年九月

農天下之大本也民所恃以生也而民或不務本而事末故生不遂朕憂其然故今茲親率羣臣農曰勸之其賜天下民今年田租

之半漢書文紀

卻獻千里馬詔

駕旗在前屬車在後吉行日五十里師行三十里朕乘千里之馬獨先安之朕不受獻也其令四方毋求來獻

漢書賈捐之傳時有獻千里馬者詔云云

遣灌嬰擊匈奴詔

三年五月

漢與匈奴約爲昆弟無侵害邊境所曰論遺匈奴甚厚今右賢王

離其國將眾居河南地非常故往來入塞捕殺吏卒毆侵上郡保塞蠻夷令不得居其故陵轅邊吏入盜甚驚無道非約也其發邊吏車騎八萬詣高奴遣丞相灌嬰將擊右賢王

漢書匈奴傳

復遣周勃率列侯之國詔

三年十一月

前日朕遣列侯之國辭未行丞相朕之所重其爲朕率列侯之國

漢書文紀又見周勃傳

赦濟北吏民詔

三年七月

濟北王背德反上誑誤吏民爲大逆濟北吏兵未至先自定及已軍城邑降者皆赦之復官爵與王興居去來者亦赦之

漢書文紀

賜進士出身一品銜廣東等處提刑按察使司按察使兼管驛傳事務黃岡王毓藻校聚

全漢文卷一終

全漢文卷二

烏程嚴可均校輯

文帝二

勸農詔 十二年三月

道民之路在于務本。朕親率天下農，十年于今，而野不加辟，歲一不登，民有飢色。是從事焉尚寡，而吏未加務也。吾詔書數下，歲勸民種樹，而功未興。是吏奉吾詔不勤，而勸民不明也。且吾農民甚苦，而吏莫之省，將何已勸焉。其賜農民今年租稅之半。漢書文紀

置三老孝悌力田常員詔 十二年三月

孝悌天下之大順也。力田爲生之本也。三老，眾民之師也。廉吏，民之表也。朕甚嘉此二三大夫之行。今萬家之縣，云無應令，豈實人情。是吏舉賢之道未備也。其遣謁者勞賜三老，孝者帛，人五匹。悌者力田二匹。廉吏二百石。已上率百石者三匹。及問民所不安。

而曰戶口率置三老孝悌力田常員令各率其意曰道民焉漢書文紀

耕桑詔

十三年二月

朕親率天下農耕曰供粢盛皇后親桑曰奉祭服其具禮儀漢書文紀

除祕祝詔

十三年四月

蓋聞天道禍自怨起而福繇德興百官之非宜由朕躬今祕祝之官移過于下曰彰吾之不德朕甚不取其除之史記文紀又見封禪書又見漢書郊

禮志上皆刪節

除肉刑詔 十三年五月

制詔御史蓋聞有虞氏之時畫衣冠異章服曰爲戮而民弗犯何治之至也今法有肉刑三而姦不止其咎安在非乃朕德之薄而教不明與吾甚自愧故夫訓道不純而惠民陷焉詩曰悌弟君子民之父母今人有過教未施而刑已加焉或欲改行爲善而道亡繇至朕甚憐之夫刑至斷支體刻肌膚終身不息何其刑之楚而

不德也豈稱爲民父母之意哉其除肉刑有已易之及今罪人各
已輕重不亡逃有年而免具爲令

漢書刑法志齊大倉令滂于公
有罪當刑其少女緹縈上書天

子憐其意
遂下令

勸農詔 十三年六月

農天下之本務莫大焉今塵身從事而有租稅之賦是謂本末者
無已異也其于勸農之道未備其除田之租稅賜天下孤寡布帛
絮各有數

漢書
文紀

增祀無祈詔 十四年春

朕獲執犧牲珪幣祀上帝宗廟十四年于今歷日彌長已不敏
不明而久撫臨天下朕甚自媿其廣增諸祀壇場珪幣昔先王遠
施不求其報望祀不祈其福右賢左戚先民後己至明之極也今
吾聞祠官祀釐皆歸福于朕躬不爲百姓朕甚媿之夫已朕之不
德而專鄉獨美其福百姓不與焉是重吾不德也其令祠官致敬

無有所祈

漢書文紀

議郊祀詔 十五年夏

有異物之神見于成紀母害于民歲已育年朕幾郊祀上帝諸神

禮官議母諱曰朕勞

漢書郊祀志上

策賢良文學詔 十五年九月

惟十有五年九月壬子皇帝曰昔者大禹勤求賢士施及方外四極之內舟車所至人迹所及靡不問命曰輔其不逮近者獻其明遠者通厥聰比善戮力曰翼天子是曰大禹能亡失德夏曰長楸高皇帝親除大害去亂從並建豪英曰爲官師爲諫爭輔天子之闕而翼戴漢宗也賴天之靈宗廟之福方內曰安澤及四夷今朕獲執天下之正曰承宗廟之祀朕既不德又不敏明弗能燭而智不能治此大夫之所著聞也故詔有司諸侯王三公九卿及主郡吏各帥其志曰選賢良明於國家之大體通於人事之終始及能

直言極諫者各有人數。曰匡朕之不逮。二三大夫之行當此。三道朕甚嘉之。故登大夫于朝。親諭朕志。大夫其上。三道之要。及永惟朕之不德。吏之不平。政之不宣。民之不寧。四者之闕。悉陳其志。毋有所隱。上曰。薦先帝之宗廟。下曰。興愚民之休利。著之于篇。朕親覽焉。觀大夫所曰。佐朕。至與。不至。書之。周之密之。重之。閉之。興自朕躬。大夫其正論。毋枉執事。烏虜戒之。二三大夫其帥志。毋怠。漢書

通鑑
傳
求言詔 後元年三月

間者數年比不登。又有水旱疾疫之災。朕甚憂之。愚而不明。未達其咎。意者朕之政有所失。而行有過與。乃天道有不順。地利或不_得。人事多失和。鬼神廢不享與。何曰致此。將百官之奉養。或費無用之事。或多與。何其民食之寡乏也。夫度田非益寡。而計民未加益。曰口量地。其於古猶有餘。而食之甚不足者。其咎安在。無乃百

姓之從事於末，已害農者蕃，爲酒醪，已靡穀者多，六畜之食焉者，眾與細大之義，吾未能得其中，其與丞相列侯吏二千石博士議之，有可已佐百姓者，率意遠思，無有所隱。

漢書文紀

與匈奴和親詔

後二年六月

朕既不明，不能遠德，使方外之國或不寧息，夫四荒之外，不安其生，封圻之內，勤勞不處，二者之咎，皆自於朕之德薄而不能達遠也。聞者累年，匈奴竝暴邊境，多殺吏民，邊臣兵吏又不能諭其內志，已重吾不德，夫人結難連兵，中外之國將何已！自寧今朕夙興夜寐，勤勞天下，憂苦萬民，爲之惻怛不安，未嘗一日忘于心，故遣使者冠蓋相望，結轍于道，已諭朕志於單于，今單于反古之道，計社稷之安，便萬民之利，新與朕俱棄細過，偕之大道，結兄弟之義，已全天下元元之民，和親已定，始於今年。

漢書文紀

與匈奴和親布告天下詔

制詔御史匈奴大單于遺朕書和親已定亡人不足言益罷廣地匈奴無入塞漢無出塞犯今約者殺之可曰久親後無咎俱使朕已許其布告天下使明知之

漢書匈奴傳

遺詔

後七年六月

朕聞之蓋天下萬物之萌生靡不有死死者天地之理物之自然奚可甚哀當今之時世咸嘉生而惡死厚葬曰破業重服曰傷生吾甚不取且朕既不德無以佐百姓今崩又使重服久臨曰懼寒暑之數哀人父子傷長老之志損人飲食絕鬼神之祭祀曰重吾不德謂天下何朕獲保宗廟曰眇眇之身託于天下君王之上二十有餘年矣賴天之靈社稷之福方內安寧靡有兵革朕既不敏常畏過行曰羞先帝之遺德惟年之久長懼于不終今乃幸曰天年得復供養于高廟朕之不明與嘉之其奚哀念之有其令天下吏民令到出臨三日皆釋服無禁取婦嫁女祠祀飲酒食肉自

宋書

作其今史漢皆作自續漢禮儀志下注補引亦作自當給喪事服臨者皆無踐經帶無過三

寸無布車及兵器無發民哭臨宮殿中殿中當臨者皆曰旦夕各十五舉音禮畢罷非旦夕臨時禁無得擅哭臨曰下服大紅十五日小紅十四日緇七日釋服它不在令中者皆曰此令比類從事布告天下使明知朕意霸陵山川因其故無有所改歸夫人曰下

至少使

漢書文紀又見史記文紀宋書禮志二

賜南粵王趙佗書

元年

皇帝謹問南粵王甚苦心勞意朕高皇帝側室之子棄外奉北藩千代道里遼遠壅蔽樸愚未嘗致書高皇帝棄羣臣孝惠皇帝卽世高后自臨事不幸有疾日進不瘳曰故諄暴乎治諸呂爲變故亂法不能獨制迺取它姓子爲孝惠皇帝嗣賴宗廟之靈功臣之力誅之已畢朕曰王侯吏不釋之故不得不立今卽位乃者聞王遺將軍隆慮侯書求親昆弟請罷長沙兩將軍朕曰王書罷將軍

博陽侯親昆弟在真定者已遣人存問修治先人家前日問王發兵于邊爲寇災不止當其時長沙苦之南郡尤甚雖王之國庸獨利乎必多殺士卒傷良將吏寡人之妻孤人之子獨人父母得一亡十朕不忍爲也朕欲定地犬牙相入者曰問吏吏曰高皇帝所曰介長沙土也朕不能擅變焉吏曰得王之地不足曰爲大得王之財不足曰爲富服領曰南王自治之雖然王之號爲帝兩帝並立亡一乘之使曰通其道是爭也爭而不讓仁者不爲也願與王分棄前患終今已來通使如故故使賈馳諭告王朕意王亦受之毋爲寇災矣上褚五十衣中褚三十衣下褚二十衣遣王願王聽樂娛憂存問鄰國

漢書兩
與傳

遺匈奴書

六年

皇帝敬問匈奴大單于無恙使郎中係虛淺遺朕書曰右賢王不請聽後義盧侯難氏等計絕二主之約離兄弟之親漢曰故不和

鄰國不附。今已小吏敗約。故罰右賢王。使西擊月氏。盡定之。願寢
兵休士。除前事。復故約。以安邊民。世世平樂。朕甚嘉之。此古聖王
之志也。漢與匈奴約爲兄弟。所已遺單于甚厚。背約離兄弟之親
者。常在匈奴。然右賢王事已在赦前。勿深誅。單于若稱書意。明告
諸吏。使無負約。有信。敬如單于書。使者言單于自將伐國有功。甚
苦兵事。服繡袷綺衣。繡袷長襦。錦袷袍各一。比余一。黃金飾具帶
一。黃金胷毗一。繡十匹。錦三十匹。赤緜綠緜各四十四匹。使中大夫
意謁者令肩遺單于。史記匈奴傳。又見漢書匈奴傳少。右賢王一段五十餘字。餘亦小異。

聖書賜荅電錯

十四年

皇帝問太子家令。上書言兵體三章。問之書言。狂夫之言。而明主
擇焉。今則不然。言者不狂。而擇者不明。國之大患。故在於此。使夫
不明。擇于不狂。是已萬聽而萬不當也。漢書龍錡傳。

遺匈奴和親書

後二年

皇帝敬問匈奴大單于無恙使當戶且渠雕渠難郎中韓遼遺朕馬二匹已至敬受先帝制長城已北引弓之國受令單于長城已內冠帶之室朕亦制之使萬民耕織射獵衣食父子毋離臣主相安俱無暴虐今聞渫惡民貪降其趨背義絕約忘萬民之命離兩主之驩然其事已在前矣書云二國已和親兩主驩說寢兵休卒養馬世世昌樂翕然更始朕其嘉之聖者日新改作更始使老者得息幼者得長各保其首領而終其天年朕與單于俱由此道順天恤民世世相傳施之無窮天下莫不咸嘉使漢與匈奴鄰敵之國匈奴處北地寒殺氣早降故詔吏遺單于林葉金帛綿絮它物歲有數今天下大安萬民熙熙獨朕與單于爲之父母朕追念前事薄物細故謀臣計失皆不足言離昆弟之驩朕聞天不頗覆地不偏載朕與單于皆捐細故俱蹈大道墮壞前惡已圖長久使兩國之民若一家子元元萬民下及魚鱉上及飛鳥跂行喙息蠕動

之類莫不就安利避危殆故來者不止天之道也俱去前事朕釋
逃虜民單于毋言章尼等朕聞古之帝王約分明而不食言單于
留志天下大安和親之後漢過不先單于其察之史記匈奴傳漢書匈奴傳

答陳武

朕能任衣冠念不到此會呂氏之亂功臣宗室共不羞恥誤居正
位常戰戰慄慄恐事之不終且兵凶器雖克所願動亦耗病謂百
姓遠方何又先帝知勞民不可煩故不曰爲意朕豈自謂能今匈奴
奴內侵軍吏無功邊民父子荷兵日久朕常爲動心傷痛無日忘
之今未能銷距願且堅邊設候結和通使休寧北陲爲功多矣且
無議軍史記律書孝文卽位將軍陳武等議征南越朝鮮孝文曰
侯應劭曰武一姓柴韓王信傳漢使柴將軍擊之淮南王長傳與
棘蒲侯柴武太子奇謀反是姓柴也而律書作陳武功臣侯表但
有棘蒲侯陳武無柴武班固泗水亭碑十八侯銘亦然應劭漢人
精通掌故謂武一姓柴得其實矣非諸注望文者所及也棘蒲十
八侯銘作棘
津當有一誤

酌金律

皇帝齋宿親帥羣臣承祠宗廟羣臣宜分奉請諸侯列侯各百民口數率千口奉金四兩奇不滿十口至五百口亦四兩皆會謝少府受又大鴻臚食邑九真交阯日南者用犀角長九寸已上若璚瑁甲一鬱林用象牙長三尺已上若翡翠各二十準已當金

禮儀

志上注補引丁孚漢儀曰酌金律漢文所加曰正月旦作酒八月成名酌酒因令諸侯助祭貢金別漢律金布令云云

景帝

帝諱啟孝文帝長子前元年立爲皇太子後七年六月卽位在位十六年諡曰孝景皇帝

定孝文帝廟樂詔元年十月

制詔御史蓋聞古者祖有功而宗有德制禮樂各有由聞歌者所已發德也舞者所已明功也高廟酌奏武德文始五行之舞孝惠廟酌奏文始五行之舞孝文皇帝臨天下通關梁不異遠方除誹

誦去肉刑賞賜長老收恤孤獨。曰：遂羣生，減耆欲，不受獻，不私其利也。罪人不帑，不誅無罪，除肉刑，出美人，重絕人之世。朕既不敏，不能識，此皆上古之所不及，而孝文皇帝親行之，德厚侔天地，利澤施四海，靡不獲福，明象乎日月，而廟樂不稱，朕甚懼焉。其爲孝文皇帝廟爲昭德之舞。曰：明休德，然後祖宗之功德著于竹帛，施于萬世，永永無窮。朕甚嘉之，其與丞相列侯中二千石禮官具爲禮儀奏。史記文紀
漢書景紀

聽民徙寬大地詔 元年正月

聞者歲比不登，民多乏食，天絕天年，朕甚痛之。郡國或磽陁無所農，桑穀畜，或地饒廣，薦草莽，水泉利而不得徙，其議民欲徙寬大地者，聽之。漢書
景紀

議著令詔 元年七月

吏受所監臨，曰：飲食免，重受財物，賤買貴賣，論輕，廷尉與丞相更

議著令漢書景紀

減笞詔元年

加笞與重罪無異幸而不死不可爲人其定律笞五百曰三百笞

三百曰二百漢書刑

封蕭何孫嘉詔二年

制詔御史故相國蕭何高皇帝大功臣所與爲天下也今其祀絕

朕甚憐之其曰武陽縣戶二千封何孫嘉爲列侯漢書蕭何傳

原襄平侯紀嘉詔三年十二月

襄平侯嘉子恢說不孝謀反欲曰殺嘉大逆無道其赦嘉爲襄平

侯及妻子當坐者復故爵論恢說及妻子如法漢書景紀

擊七國詔三年二月

制詔將軍蓋聞爲善者天報曰福爲非者天報曰殃高皇帝親垂功德建立諸侯幽王悼惠王絕無後孝文皇帝哀憐加惠王幽王

子遂悼惠王子卬等令奉其先王宗廟爲漢藩國德配天地明並日月而吳王濞背德反義誘受天下亡命罪人亂天下幣稱疾不朝二十餘年有司數請濞罪孝文皇帝寬之欲其改行爲善今乃與楚王戊趙王遂膠西王卬濟南王辟光菑川王賢膠東王雄渠約從謀反爲逆無道起兵曰危宗廟賊殺大臣及漢使者迫劫萬民伐殺無罪燒殘民家掘其丘壘甚爲虐暴而卬等又重逆無道燒宗廟鹵御物朕甚痛之朕素服避正殿將軍其勸士大夫擊反虜擊反虜者深入多殺爲功斬首捕虜比三百石以上皆殺無有所置敢有議詔及不如詔者皆要斬

漢書吳王濞傳

赦吳吏民詔

三年六月

迺者吳王濞等爲逆起兵相脅誣誤吏民吏民不得已今濞等已滅吏民當坐濞等及逋逃亡軍者皆赦之楚元王子敖等與濞等爲逆朕不忍加法除其籍毋令汙宗室

漢書景紀

誠獄詔 中五年九月

法令度量所已禁暴止邪也。獄人之大命，死者不可復生，吏或不奉法，令已貨賂爲市朋黨，比周已苛爲察，已刻爲明，令亡罪者失職，朕甚憐之。有罪者不伏罪，姦法爲暴，比亡謂也。諸獄疑若雖文致于法，而于人心不厭者，輒讞之。漢書景紀又略見刑法志

定長吏車服詔

中六年五月

夫吏者，民之師也。車駕衣服宜稱，吏六百石已上，皆長吏也。亡度者，或不吏服，出入閭里，與民亡異，令長吏二千石車朱兩轡，千石至六百石，朱左轡，車駟從者，不稱其官衣服。下吏出入閭巷，亡吏體者，二千石上其官屬，三輔舉不如法令者，皆上丞相御史請之。

漢書景紀

減笞法詔

中六年

加笞者，或至死，而笞未畢，朕甚憐之。其減笞三百曰二百，笞二百

曰一百

漢書刑法志

詔定箠令

笞者所已教之也其定箠令

漢書刑法志

讞獄詔

後元年正月

獄重事也人有智愚官有上下獄疑者讞有司有司所不能使移

廷尉有令讞

刑法志作獄疑者讞有令讞者已報讞

而後不當讞者不爲失欲令治

獄者務先寬

漢書景紀

令二千石修職詔

後二年四月

雕文刻鏤傷農事者也錦繡纂組害女紅者也農事傷則飢之本也女紅害則寒之原也夫飢寒竝至而能亡爲非者寡矣朕親耕后親桑已奉宗廟粢盛祭服爲天下先不受獻賦太官首繇賦欲天下務農蠶素有畜積已備災害彊毋褻弱眾毋暴寡老者省已壽終幼孤得遂長今歲或不登民食頗寡其咎安在或詐僞爲吏吏

已貨賂爲市，漁奪百姓，侵牟萬民，縣丞、長吏也，奸法與盜，盜甚無異也。其令二千石各修其職，不事官職，耗亂者，丞相已聞，請其罪，布告天下，使明知朕意。

漢書景紀

重廉士詔

後二年五月

人不患其不知，患其爲詐也；不患其不勇，患其爲暴也；不患其不

富，患其亡厭也；其唯廉士寡，欲易足，令訾算十已上，迺得官。

一本官作

皆同。廉士算不必眾有，市籍不得官，無訾又不得官，朕甚愍之。訾

算四得官，亡令廉士久失職，貪夫長利。

漢書景紀

頒繫老幼詔

後三年

高年老長，人所尊敬也；鰥寡不屬逮者，人所哀憐也；其著今年八

十已上，八歲已下，及孕者，未乳師，朱儒當鞠繫者，頒繫之。

漢書冊法志

勸農桑詔

後三年正月

農，天下之本也。黃金珠玉，飢不可食，寒不可衣，已爲幣用，不識其

終始閒歲或不登意爲木者眾農民寡也其令郡國務勸農桑六
種樹可得衣食物吏發民若取庸采黃金珠玉者坐臧爲盜二千
石聽者與同罪

漢書景紀

賜進士出身二品銜廣東等處提刑按察使司按察使兼管驛傳事務黃岡王毓藻校

全漢文卷三

烏程嚴可均校輯

武帝一

帝諱徹景帝中子四年封膠東王七年立爲皇太子後三年正月卽位改元十一建元元光元朔元狩元鼎元封太初天漢太始征和後元在位五十四年謚曰孝武皇帝廟號世宗有集二卷

李夫人賦

美連娟曰修嫫兮命櫟絕而不長節新宮曰延眊兮泯不歸乎故鄉慘鬱鬱其蕪穢兮隱處幽而懷傷釋輿馬于山椒兮奄修夜之不陽秋氣潛曰淒淚兮桂枝落而銷亡神煢煢曰遙思兮精浮游而出置託沈陰曰曠久兮惜蕃華之未央念窮極之不還兮惟幼眇之相羊函菱扶曰俟風兮芳雜襲曰彌章的容與曰倚靡兮縹

飄姚虞愈莊燕淫衍而撫楹兮連流視而娥揚既激感而心逐兮
包紅顏而弗明驩接狎目離別兮宵寤夢之芒芒忽遷化而不反
兮魄放逸曰飛揚何靈魂之紛紛兮哀喪回曰躊躇執路曰已遠
兮送荒忽而辭去超兮西征屑兮不見寢淫敞兌寂兮無音思若
流波怛兮在心亂曰佳俠函光隕朱榮兮嫉妬闕昔將安程兮方
時隆盛年夭傷兮弟子增歔洿沫悵兮悲愁於邑喧不可止兮嚮
不虛應亦云已兮嫵妍太息嘆稚子兮憫慄不言倚所恃兮仁者
不誓豈約親兮既往不來申曰信兮去彼昭昭就冥冥兮既下新
宮不復故庭兮嗚呼哀哉想魂靈兮

漢書外戚傳 藝文類聚三十四

秋風辭

并序

上行幸河東祠后土顧視帝京欣然中流與羣臣飲燕上歡甚乃
自作秋風辭曰

秋風起兮白雲飛草木黃落兮雁南歸蘭有秀兮菊有芳攜佳人

今不能忘泛樓舡兮濟汾河橫中流兮揚素波簫鼓鳴兮發棹歌
歡樂極兮哀情多少壯幾時兮柰老何文選

詔封皇子制

元狩六年三月戊申朔

蓋聞周封八百姬姓竝列或子男附庸禮支子不祭云竝建諸侯
所曰重社稷朕無聞焉且天非爲君生民也朕之不德海內未洽
乃曰未教成者疆君連城卽股肱何勸其更議曰列侯家之史記三王

世家

封皇子制

元狩六年三月丙子

康叔親屬有十而獨尊者褒有德也周公祭天命郊故魯有白牡
駢剛之牲羣公不毛賢不肖差也高山仰之景行嚮之朕甚慕焉
所曰抑未成家曰列侯可史記三王世家

立皇子闕爲齊王旦爲燕王胥爲廣陵王

史記三王世家

制書報胡建

天漢中

制曰司馬法曰國容不入軍軍容不入國何文吏也三王或誓于軍中欲民先成其慮也或誓于軍門之外欲民先意以待事也或將交刃而誓致民志也建又何疑焉

漢書胡建傳又略見說苑指武

元光元年策賢良制

制曰朕獲承至尊休德傳之無窮而施之罔極任大而守重是曰夙夜不皇康寧永惟萬事之統猶懼有闕故廣延四方之豪雋郡國諸侯公選賢良修繫博習之士欲聞大道之要至論之極今予大夫襃然爲舉首朕甚嘉之子大夫其精心致思朕垂聽而問焉蓋聞五帝三王之道改制作樂而天下洽和百王同之當虞氏之樂莫盛于韶于周莫盛于勺聖主已沒鍾鼓箏絃之聲未衰而大道微缺陵夷至虛桀紂之行王道大壞矣夫五百年之間守文之君當途之士欲則先王之法已戴翼其世者甚眾然猶不能反日日月仆滅至後王而後止豈其所持操或諄繆而失其統與固天降

命不可復反，必推之于大衰而後息與。烏虜凡所爲，屑屑夙興夜寐，務法上古者，又將無補與。三代受命，其符安在。災異之變，何緣而起。性命之情，或夭或壽，或仁或鄙，習聞其號，未燭厥理。伊欲風流而令行，刑輕而姦改，百姓和樂，政事宣昭，何修何飾，而膏露降，百穀登，德潤四海，澤臻草木，三光全，寒暑平，受天之祐，享鬼神之靈，德澤洋溢，施序方外，延及羣生。子大夫明先聖之業，習俗化之變，終始之序，講聞高誼之日久矣。其明已諭朕，科別其條，勿猥勿并，取之于術，慎其所出，迺其不正不直不忠不極，枉于執事，書之不泄，興于朕躬，毋悼後害。子大夫其盡心，靡有所隱。朕將親覽焉。

漢書董仲舒傳

制曰：蓋聞虞舜之時，游于巖廊之上，垂拱無爲，而天下太平。周文王至于日昃不暇食，而宇內亦治。夫帝王之道，豈不同條共貫，與河逸勞之殊也。蓋儉者不造，玄黃旌旗之飾，及至周室，設兩觀，乘

大路。朱干玉戚，八佾陳于庭，而頌聲興。夫帝王之道，豈異指哉？或曰：良玉不琢，又曰：非文亡，曰輔德。二端異焉？殷人執五刑，曰督姦傷肌膚，曰懲惡成康不式。四十餘年，天下不犯，囹圄空虛。秦國用之，死者甚眾，刑者相望，耗矣哀哉！烏虜，朕夙寤晨興，惟前帝王之憲，永思所已奉至尊，章洪業，皆在力本任賢。今朕親耕藉田，已爲農先，勸孝弟，崇有德，使者冠蓋相望，問勤勞，恤孤獨，盡思極神，功烈休德，未始云獲也。今陰陽錯謬，氛氣充塞，羣生寡遂，黎民未濟，廉恥質亂，賢不肖渾殽，未得其真，故詳延特起之士，意庶幾乎今。子大夫待詔百有餘人，或道世務而未濟，稽諸上古而不同，考之于今而難行，毋迺牽于文繫而不得騁與，將所繇異術，所聞殊方，與各悉對，著于篇，毋諱，有司明其指略，切磋商究之，已稱朕意。同上

制曰：蓋聞善言天者必有徵于人，善言古者必有驗于今，故朕垂問，虛天人之應，上嘉唐虞，下悼桀紂，寢微寢滅，寢明寢昌之道，虛

心曰改今子大夫明于陰陽所曰造化習于先聖之道業然而文采未極豈惑乎當世之務哉條貫靡竟統紀未終意朕之不明與聽若眩與夫三王之教所祖不同而皆有失或謂久而不易者道也意豈異哉今子大夫既已著大道之極陳治亂之端矣其悉之究之孰之復之詩不云虔嗟爾君子母常安息神之聽之介爾景福朕將親覽焉子大夫其茂明之同上

元光五年策賢良制

制曰蓋聞上古至治畫衣冠異章服而民不犯陰陽和五穀登六畜蕃甘露降風雨時嘉禾興朱草生山不童澤不涸麟鳳在郊藪龜龍游于沼河洛出圖書父不喪子兄不哭弟北發渠搜南撫交阯舟車所至人迹所及跂行喙息咸得其宜朕甚嘉之今何道而臻乎此子大夫修先聖之術明君臣之義講論洽聞有聲乎當世敢問子大夫天之道何所本始吉凶之效安所期焉禹湯水旱

厥咎何由仁義禮知四者之宜當安設施屬統垂業物鬼變化天命之符廢興何如天文地理人事之紀子大夫習焉其悉意正議詳具其對著之于篇朕將親覽焉靡有所隱

漢書公孫弘傳

復高年子孫詔

建元元年四月

古之立教鄉里曰齒朝廷曰爵扶世尊民莫善于德然則于鄉里先耆艾奉高年古之道也今天下孝子順孫願自竭盡曰承其親外迫公事內乏資財是曰孝心闕焉朕甚哀之民年九十以上已有受鬻法爲復子若孫令得身帥妻妾遂其供養之事

漢書武紀

修山川祠詔

建元元年五月

河海潤千里其令祠官修山川之祠爲歲事曲加禮

漢書武紀

省衛士罷苑馬詔

建元元年七月

衛士轉置送迎二萬人其省萬人罷苑馬曰賜貧民

漢書武紀

答淮南王安諫伐越詔

建元三年案文館詞林題如此漢書不云詔

皇帝問淮南王使中大夫玉上書言事聞之朕奉先帝之休德夙興夜寐明不能燭重呂不德是日比年凶菑害眾夫日眇眇之身託于王侯之上內有飢寒之民南夷相攘使邊騷然不安朕甚懼焉今王深惟重慮明太平已彌朕失稱三代至盛際天接地人迹所及咸盡賓服藐然甚慚嘉王之意靡有所終使中大夫助諭朕意告王越事

漢書嚴助傳又見文館詞林六百六十二

詔罷王恢韓安國兵

建元六年

鄧等首惡獨無諸孫繇君丑不與謀焉

史記東越傳漢書兩粵傳

詔賢良

元光元年五月

朕聞昔在唐虞畫象而民不犯日月所燭莫不率俾周之成康刑錯不用德及鳥獸教通四海海外肅肅北發渠搜氏羌祿服星辰不孝日月不蝕山陵不崩川谷不塞麟鳳在郊藪河洛出圖書鳴厚何施而臻此與今朕獲奉宗廟夙興已求夜寐已思若涉淵水

未知所濟，猗與偉與，何行而可？曰：章先帝之洪業，休德，上參堯舜，下配三王。朕之不敏，不能遠德，此子大夫之所睹聞也。賢良明于古今，王事之體，受策察問，咸曰：書對著之于篇，朕親覽焉。漢書武紀于是

董仲舒公孫弘等出焉

欲伐匈奴詔

元光二年春，文館詞林題如此。

朕飾子女，曰：配單于，金幣文繡，賂之甚厚。單于待命加媢，侵盜亡已，邊境被害，朕甚閔之。今欲舉兵攻之，何如？漢書武紀，詔問公卿

六十一篇首，有制詔二字。

赦雁門代郡軍士詔

元光六年春

夷狄無義，所從來久。聞者匈奴數寇邊境，故遣將撫師。古者治兵振旅，因遭虜之方人，將吏新會，上下未輯。代郡將軍敖，雁門將軍廣，所任不肖，校尉又背義妄行，棄軍而北，少吏犯禁，用兵之法，不勤不教，將率之過也。敕令宣明，不能盡力，士卒之罪也。將軍已下

廷尉使理正之而又加法于士卒二者竝行非仁聖之心朕聞眾庶陷害欲刷恥改行復奉正義厥路亡繇其赦雁門代郡軍士不

循法者

漢書
武紀

議不舉孝廉者罪詔元朔元年十一月

公卿大夫所使總方略壹統類廣教化美風俗也夫本仁祖義寔德祿賢勸善刑暴五帝三王所繇昌也朕夙興夜寐嘉與宇內之士臻于斯路故旅耆老復孝敬選豪俊講文學稽參政事祈進民心深詔執事興廉舉孝庶幾成風紹休聖緒夫十室之邑必有忠信三人竝行厥有我師今或至闔郡而不薦一人是化不下究而積行之君子雍于上聞也二千石官長紀綱人倫將何已佐朕燭幽隱勸元元厲蒸庶崇鄉黨之訓哉且進賢受上賞蔽賢蒙顯戮古之道也其與中二千石禮官博士議不舉者罪

漢書
武紀

赦詔

元朔元年三月

朕聞天地不變不成施化陰陽不變物不暢茂易曰通其變使民不倦詩云九變復貫知言之選朕嘉唐虞而樂殷周據舊已鑒新其赦天下與民更始諸逋貸及辭訟在孝景後三年已前皆勿聽

治漢書

武紀

許諸侯王分子弟邑詔

元朔二年正月

梁王城陽王親慈同生願曰邑分弟其許之諸侯王請與子弟邑者朕將親覽使有列位焉

漢書武紀

制詔御史諸侯王或欲推私恩分子弟邑者令各條上朕且臨定其號名

赦詔

元朔三年三月

夫刑罰所已防姦也內長文所已見愛也百百姓之未洽于教化朕嘉與士大夫日新厥業祇而不解其赦天下

漢書武紀

封公孫弘爲平津侯詔

元朔三年十一月

朕嘉先聖之道開廣門路宣招四方之士蓋古者任賢而序位量
能已授官勞大者厥祿厚德盛者獲爵尊故武功已顯重而文德
已行褒其已高城之平津鄉戶六百五十封丞相弘爲平津侯

公孫
祖傳

詔御史封公孫敖等

元朔五年四月

護軍都尉公孫敖三從大將軍擊匈奴常護軍傅校護王已千五
百戶封敖爲合騎侯都尉韓說從大軍出麻渾至匈奴右賢王庭
爲麾下搏戰獲王已千三百戶封說爲龍雒侯騎將軍公孫賀從
大將軍獲王已千三百戶封賀爲南窳侯輕車將軍李蔡再從大
將軍獲王已千六百戶封蔡爲樂安侯校尉李朔校尉趙不虞校
尉公孫戎奴各三從大將軍獲王已千三百戶封朔爲涉軹侯已
千三百戶封不虞爲隨成侯已千三百戶封戎奴爲從平侯將軍
李沮李息及校尉豆如意中郎將緝皆有功賜爵關內侯食邑各

三百戶

史記蕭青傳漢書衛青傳

勸學詔

元朔五年六月

蓋聞導民曰禮，風之曰樂，婚姻者居室之大倫也。今禮壞一作廢樂

崩，朕甚閔一作恐焉。

一作恐

故詳延天下方聞之士，咸薦一作登諸朝，其令禮

官勸學講議洽聞，舉遺興禮，曰爲天下先。太常其議予博士弟子

崇鄉黨之化，曰厲賢材焉。漢書武紀又見儒林傳序

議置武功，馳賞官詔。

元朔六年六月

朕聞五帝不相復禮，三代不同法，所繇殊路而建德一也。蓋孔子

對定公曰：「徠遠，哀公曰：「論臣，景公曰：「節用，非期不同，所急異務也。

今中國一統而北邊未安，朕甚悼之。日昔大將軍巡朔方，征匈奴，

斬首虜萬八千級，諸禁錮及有過者，咸蒙厚賞，得免減罪。今大將

軍仍復克獲，斬首虜萬九千級，受爵賞而欲移賣者，無所流馳。其

議爲令。漢書武紀又見史記手筆書古有剛節而文多異今別裁于後

漢書武紀又見史記手筆書古有剛節而文多異今別裁于後

朕聞五帝之教不相復而治禹湯之法不同道而王所由殊路而建德一也北邊未安朕甚悼之曰者大將軍攻匈奴斬首虜萬九千級雷蹠無所食議令民得買爵及贖禁錮免減罪

史記平準書

遺謁者巡行天下詔

元狩元年四月

朕聞咎繇對禹曰在知人知人則哲惟帝難之蓋君者心也民猶支體支體傷則心懼怛曰者淮南衡山修文學流貨賂兩國接壤怵于邪說而造篡弒此朕之不德詩云憂心慘慘念國之爲虐已赦天下滌除與之更始朕嘉孝弟力田哀夫老眊孤寡鰥獨或匱于衣食甚憐愍焉其遺謁者巡行天下存問致賜曰皇帝使謁者賜縣三老孝者帛人五匹鄉三老弟耆力田帛人三匹年九十以上及鰥寡孤獨帛人二匹絮三斤八十以上米人二石有冤失職使者曰聞縣鄉卽賜毋贅聚

漢書武紀

詔封蕭何曾孫

元狩三年

詔御史已鄧后二千四百封何曾孫慶爲鄧侯布告天下令明知

朕報蕭相國德也

漢書蕭何傳

遣博士褚大等循行天下詔

元狩六年六月

日者有司已幣輕多姦農傷而未眾又禁兼并之塗故改幣已約之稽諸往古制宜于今廢期有月而山澤之民未諭夫仁行而從善義立則俗易意奉憲者所已導之未明與將百姓所安殊路而橋度吏因乘執已侵蒸庶耶何紛然其擾也今遣博士大等六人分循行天下存問鰥寡廢疾無已自振業者貸與之諭三老孝弟已爲民師舉獨行之君子徵詣行在所朕嘉賢者樂知其人廣宣厥道士有特招使者之任也詳問隱處亡位及冤失職姦猾爲害野荒治苛者舉奏郡國有所已爲便者上丞相御史已問

漢書武紀

振流民詔

江南火耕水耨令飢民得流就食江淮間欲留留處遣使冠蓋相

屬于道護之下巴蜀粟已振之

元鼎二年九月

遣博士循行振飢詔

元鼎二年九月

仁不異遠義不辭難今京師雖未爲豐年山林池澤之饒與民共之今水潦移于江南迫隆冬至朕懼其飢寒不活江南之地火耕水耨方下巴蜀之粟致之江陵遣博士中等分循行諭告所抵無令重困吏民有振救飢民免其戾者具舉已聞

漢書
武紀

封周子南君詔

元鼎四年十一月

三代邈絕遠矣難存其已三十里地封周後爲子南君已奉先王

祀焉

史記封禪書

祭地冀州瞻望河洛巡省豫州觀于周室邈而無祀詢問耆老迺得孽子嘉其封嘉爲周子南君已奉周祀

漢書
武紀

封樂大爲樂通侯詔

元鼎四年夏

制詔御史昔禹疏九江決四瀆間者河溢皋陸隄繇不息朕臨天

下二十有八年天若遺朕土而大通焉乾稱蜚龍鴻漸于般朕意庶幾與焉其已二千戶封地士將軍大爲樂通侯賜列侯甲第僮千人乘輿斥車馬帷帳器物已充其家

史記封禪書漢書郊祀志上

郊祠泰畤詔

元鼎五年十一月

朕已眇身託于王侯之上德未能綏民民或飢寒故巡祭后土已祈豐年冀州雕壤迺顯文鼎獲薦于廟渥洼水出馬朕其御焉戰戰兢兢懼不克任思昭天地內惟自新詩云四牡翼翼已征不服親省邊垂用事所極望見泰一修天文禪辛卯夜若景光十有二明易曰先甲三日後甲三日朕甚念年歲未減登飭躬齋戒丁酉拜況于郊

漢書武紀

封常山王二子詔

元鼎五年六月

常山憲王早夭后妾不和適孽誣爭陷于不義已滅國朕甚閔焉其封憲王子平三萬戶爲眞定王子商三萬戶爲泗水王

史記五宗世家

漢書景十三
王常山王傳

征南粵詔 元鼎五年

天子微弱諸侯力政譏臣不討賊呂嘉建德等反自立晏如令粵

人及江淮呂南樓船十萬師往討之 漢書南粵傳乃赦天下曰云
云又史記南越王尉佗傳無

弱字呂嘉上有今
字粵人作罪人

呂石慶爲丞相詔 元鼎五年九月

制詔御史萬石君先帝尊之子孫至孝其呂御史大夫慶爲丞相

封牧巨侯 漢書石
奮傳

賜卜式爵詔 元鼎五年九月

朕聞報德曰德報怨曰直今天下不幸有事郡縣諸侯未有奮絲
直道者也齊相雅行躬耕隨牧畜番輒分昆弟更造不爲利惑日
者北邊有興上書助官往年西河歲惡率齊人入粟今又首奮雖
未戰可謂義形于內矣其賜式爵關內侯黃金四十斤田十頃布

告天下使明知之

漢書卜式傳又略見
史記平準書小異

減內史稻田租挈詔

元鼎六年

農天下之本也泉流灌浸所已育五穀也左右內史地名山川原甚眾細民未知其利欲爲通溝瀆畜陂澤所已備旱也今內史稻田租挈重不與郡同其議減令吏民勉農盡地利平繇行水勿使失時

漢書溝
洫志

賜進士出身二品銜廣東等處提刑按察使司按察使兼管驛傳事務黃岡王毓藻校

全漢文卷三終